

陰符經



觀天之道執天之行盡矣故天有五賊見之者昌五  
賊在心施行於天宇宙在乎手萬化生乎身天性人  
也人心機也立天之道以空人也天發殺機日月星  
辰地發殺機龍蛇起陸人發殺機天地反覆天人合

發萬變定基性有巧拙可以伏藏九竅之邪在乎三  
要可以動靜火生於木禍發必剋新生於國時動必  
潰知之修鍊謂之聖人天地萬物之盜萬物人之盜  
人萬物之盜三盜既宜三才既安故曰食其時百骸  
理動其機萬化安人知其神而神不知不神所以神

日月有數大小有定聖功生焉神明出焉其盜機也  
天下莫不見莫能知君子得之固窮小人得之輕命  
瞽者善聽聾者善視鈍利一源用師十倍三反晝夜  
用師萬倍心生於物死於物機在目天之無思而大  
思生迅雷烈風莫不蠢然至樂性餘至靜則廉天之

至私用之至公禽之制在氣生者死之根死者生之  
根思生於害害生於思愚人以天地文理聖我以時  
物文理哲自然之道靜故天地萬物生天地之道沒  
故陰陽勝陰陽相推而變化順矣至靜之道律呂所  
不能契爻有奇器是生萬象八卦甲子神機鬼藏陰

陽相勝之術昭昭乎進乎象矣

陰符經

大唐永徽五年歲次甲寅正月初五日奉旨造  
尚書右僕射監修國史工柱國河南郡臣褚遂良奉  
旨寫一百廿卷 歲次壬辰初秋楊平臨



梅齡  
不秦不漢又彷彿  
似之王辰歲Y P製